



Folkhälsomyndigheten

# Akava tano tuče so ka primine i vakcina

# Vakcinacia protiv

# o covid-19

Akija informacia šaj te pomožini tut angljeder hem palji i vakcinacia.

Covid-19 tano baro hem pharo nabormipe. I vakcina tikničeri o rizik te ove but nabormo kotar o covid-19 hem te na đal upro avera manuša. Ki Švedska tani i vakcina bizo pare hem nane obavezno. O vakcine so koristinena pe ki Švedska tane testirime hem sigurna.

## Angljeder te lje i vakcina

O regioni tano odgovorno baš i vakcinacia protiv o covid-19. Ko internet than 1177 isi informacia keda hem kaj ko to regioni šaj te primine i vakcina. Angljeder te primine i vakcina ka phere jekh blanketa kotar te sastipasiri deklaracia.

## Ađahare đala i vakcinacia

Tu mora te ove sasto ked ka primine i vakcina. O medicinsko personali ka del tut i vakcina ki musu. Premalo te berša dikhela pe savi marka vakcina ka primine. Ked uljan gootovo, valjani te đaçere 15 minutija otke ko lokali, sebepi te dikha sar osetineja tut.

## Palo so ljeljan i vakcina

Šaj ka ovel tut disavo tikno biefekti, sar ko primer dukh ki musu, dukh ko šero ja hari temeperatura, ama odova tano normalno. Odiya reakcia tani normalno hem šaj te trajini samo jekh dive. Bare hem ozbiljna biefektija tane retka hem nane but. Ama, ako dobineja zoralje simptomija obavezno valjani te kontaktirine e doktore hem te vačere so primijan i vakcina protiv o covid-19.

## Esavke tane o vakcine protiv o covid-19

Palo so ljeljan i vakcina, e telosiri imunizacia ka ovel pozoralji protiv o covid-19. Nane sigurno so sarinne so ka ljen i vakcina ka dobinen i zoralji imunizacia, ama ako uljan nabormo, odova nane te ovel ki phari forma. Kobor vreme i vakcina ka pomožini tut palo so primijan i vakcina protiv o covid-19 zavisini kotar manuš đi ko manuš. Ako mangeja te ačhove sasto pratin amare rekomendacije protiv o covid-19.

## Arakh tut hem averen

Sarine amen valjani te pomožina o nabormipe te na barjol. Čak hem ako hijan vakcinirimo, valjani te ačhove čhere ako osetineja tut nabormo. Isto ađahare valjani te pratine sa o informacije save rekomendacije važinena.

### ISI TUT LI DISAVO PUČIBE?




Normalno tano te ovel tut disavo pučibe palo so primijan i vakcina. Ko oficialno internet than kotar o Folkhälsomyndigheten isi pobuter informacia kotar vakcinacia protiv o covid-19.

[folkhalsomyndigheten.se](https://www.folkhalsomyndigheten.se)

Ko 1177 isi pobuter informacia sar đala i vakcinacia ko regioni kaj so tu bešeja.

[1177.se](https://www.1177.se)



Vaccination  
mot covid-19